



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Vita & Rebus gestis P. Petri Canisii, De Societate Jesv,
Commentarii**

Sacchini, Francesco

Ingolstadii, 1616

Aula Religiosos viros non dece[n]t.

urn:nbn:de:hbz:466:1-41515

videret immerentem hominem tam dure tractari, quam ut culpam in odium, & inuidiam domesticorum conferret. Tum Canisius grauem, ac sapientem disputationem ingressus, palam ostendit, quām nihil bonae frugis Aulæ usus tantus Cōfessario ipsi, nec socio, nec aulicis, nec aliorum denique cuiquam afferret. De veneratione, & obseruantia, quæ sacris viris debetur, Aulicos multum remittere: mortales aliosex quibus, tam multos societati Satan æmulos, & obtrectatores ubique conciliat, existimare nos Magnatum affectatores, & negotiorum publicorum captatores esse: ipsos quoque sapientes offendit, quod ne quicquam tandiu foueri hominem, delicateque ali, ac subinde venanti etiam Principi adesse patremur: ipsum verò, & socium paulatim degenerare ab religiosa professione in aulicam. Denique rem cum societatis more, legibusque pugnare. Itaque id exempli aditum non nullis ad licentiam pandere, ut cogitent aliquando sibi quoque permitti posse, ut religiosam disciplinam cum deliciis Aulæ commutent: aliis indignationem aduersus homines tales accendere, vnde mutua caritas laceretur. Scire se Principem toti societati

Aula Religio-
sos viros non
decent.

p 2

optimè

optimè velle; quare pro suā clementia prouidendum esse, ne communi eius bono priuatam hominis causam anteferret. Tentari perniciosius nihil posse in Religiosorum familiis, quam ut obedientia, & Præsidum administratio conuellere-
tur. Hæc vincula, hosneruos sacrarum esse hu-
ijsmodi rerum publicarum, qui si laxarentur, dis-
solui totum corpus, & membra dissipari necesse
esse. Ordinis ergo sibi addictissimi patrocinium
fusciptet, ac Præsidum tueretur autoritatem.
Frustra ipsos Principes, nisi conseruetur familiaris
disciplina in Cœnobiis, vtiles inde operarios de-
sideraturos. Fideret Præpositis, persuaderetq; sibi
nihil ipsos malle, quām tanto Patrono in omnes
partes factum satis: nec quenquam clarius, quam
ipsos habere notam cuiusque sociorum, specta-
tamq; facultatem: nec nisi virum quām accom-
modatissimum ipsius obsequiis tradituros. Hanc
esse viam rectam conscientiæ regendæ: alioqui
Principis ipsius dignitatem agi, velut ex Iesuitæ
vnius consilio se, suosque regat, & statuat omnia.
Ad extremum grauem hanc molestiam Præposi-
to Generali adimeret, quæ intolerabilis mox fu-
tura esset, si videre cogeretur vnumquēpiam de
suis

suis bonitate, gratiaque Principis ad professionis suæ neglectum, & ad contumaciæ integumentū abuti. Hæc omnia permiscens cum grauitate modestiam, summamque obseruantiam, ac verecundiam cum simplici libertate sic egit, vt sapiens Princeps disputationem omnem probarit, seque societati placarit: tum demum permisit, egeritque, vt Confessarius in Collegio versareturex norma communi. Illud quoque extitit ex eo conatu pretium, quod cum initio Dynasta idē viros ex Aula præstantes ad Canisium allegasset, qui eius animum expugnarent, & ad fauorē Cōfessarij detorquerent, ipse contra eos facile ad suas partes adduxit. Adeò ut ipsimet plane Domino demonstrarint id vrgere Patres, quod instituto, ordinique suo, quod probabili ad vulgus exemplo planè necessarium foret, vt ab Aulis procul abessent, & aduocati referrent illico pedem, ne aliquin naufragium Spiritus multo citius ipsi facerent, quam aulicos Christo pescarentur: quod manifestis multorum documentis videre esset. Valuerūt hæc veritatis testimonia eo magis, quo sinceriora visa sunt, vt ab hominibus profecta Aulæ assuetis, morumque seculi callide peritis.

p 3

Multa

